

Na osnovu člana 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na 84. sjednici, održanoj 29.12.2016. godine, d o n o s i

ZAKLJUČAK

I.

Prihvata se izjašnjenje Ministarstva za prostorno uređenje, promet i komunikacije i zaštitu okoline, broj: 12-34-17001-3/16 od 15.12.2016.godine, dato po prijedlozima i mišljenju Stručne službe Općinskog vijeća Zavidovići za Program rada Skupštine Zeničko-dobojskog kantona za 2017. godinu.

II.

Zaključak stupa na snagu danom donošenja.

Broj: 02-_____ /16.

Datum, 29.12.2016. godine

Zenica

PREMIJER

Miralem Galijašević

DOSTAVLJENO:

1x Stručna služba Skupštine,

1x Ministarstvo za prostorno uređenje,
promet i komunikacije i zaštitu okoline,

1x Stručna služba Općinskog vijeća Zavidovići (putem Ministarstva),

1x a/a.



Broj:12-34-17001-3/16
Zenica, 15.12.2016.godine

ZENIČKO-DOBOJSKI KANTON
VLADA
Stručna služba Vlade

PREDMET: Izjašnjenje o prijedlogu i mišljenju Stručne službe Općinskog
vijeća Zavidovići za Program rada Skupštine za 2017.godinu –dostavlja se

Stručnoj službi Skupštine Zeničko-dobojskog kantona dostavljen je akt Stručne službe Općinskog vijeća Zavidovići broj:01-05-3304/16-AP od 30.11.2016.godine s prilogom: Prijedlozi i mišljenja JKP “Radnik” d.o.o. Zavidovići, broj:2214-88-04/16 od 26.10.2016.godine za Program rada Skupštine za 2017.godinu u kojem se predlaže da se u Program rada Skupštine uvrsti donošenje Informacije o stanju realizacije i primjene Zakona o komunalnim djelatnostima (*“Službene novine Zeničko-dobojskog kantona”*, broj:17/08), sa posebnim osvrtom na:

- Član 14. stav 2. Zakona o komunalnim djelatnostima (*“Službene novine Zeničko-dobojskog kantona”*, broj:17/08) propisano je: Policijske uprave Ministarstva unutrašnjih poslova Zeničko-dobojskog kantona dužne su da registraciju svih vrsta vozila uslove izmirenjem komunalnih obaveza, minimalno do posljednja tri mjeseca ili sporazumom o izmirenju obaveza između davaoca i korisnika komunalnih usluga. Članom 51. istog Zakona je propisano da će se član 14. stav 2. ovog zakona primjenjivati nakon što Privredna komora Zeničko-dobojskog kantona obezbijedi i Vladi Kantona prezentira jedinstveni informacioni sistem za praćenje naplate komunalnih usluga. S obzirom da je od samog stupanja na snagu prošlo više od 7 godina, a da primjena navedene odredbe nije počela, postavlja se pitanje zašto do sada nije otpočela primjena navedenog člana, a poznato je da je Privredna komora Zeničko-dobojskog kantona obezbijedila jedinstveni informacioni sistem koji je bio kao uslov da se otpočne sa primjenom odredbe člana 14. stav 2. navedenog zakona.
- Realizacija i primjena odredbe člana 9. istog Zakona gdje je potrebno da se utvrdi da li Općine na području Zeničko-dobojskog kantona primjenjuju navedenu odredbu i u kojoj mjeri, te da li je navedena odredba u suprotnosti sa Zakonom o javnim nabavkama BiH.
- Posebno je potrebno da se uzme u razmatranje primjena odredbe člana 19. s akcentom na stav 8. obzirom da Komunalna preduzeća na području ovog kantona imaju tešku finansijsku situaciju, a pitanje primjene niko ne dovodi u pitanje jer se i ne primjenjuje.
- Članom 39. Zakona o komunalnim djelatnostima Zeničko-dobojskog kantona, propisano je da nadzor nad provođenjem odredaba ovog Zakona vrši Ministarstvo za prostorno uređenje, promet i komunikacije i zaštitu okoline Zeničko-dobojskog kantona te bi bilo uputno da se od ovog Ministarstva priprema informacija o realizaciji i primjeni navedenog Zakona na području Zeničko-dobojskog kantona.

U vezi datog prijedloga Ministarstvo za prostorno uređenje, promet i komunikacije i zaštitu okoline Zeničko-dobojskog kantona izjašnjava se kako slijedi:

- Za realizaciju člana 14. stav (2) Zakona o komunalnim djelatnostima zaduženo je

Ministarstvo unutrašnjih poslova, nakon što se ispune uslovi propisani u članu 51. istog Zakona. Ministarstvo za prostorno uređenje, promet i komunikacije i zaštitu okoline Zeničko-dobojskog kantona nema saznanja da je Privredna komora Zeničko-dobojskog kantona u potpunosti ispunila preuzetu obavezu u cilju stvaranja uslova za primjenu člana 14. stav (2) Zakona.

- Odredbama člana 8. Zakona o principima lokalne samouprave u Federaciji Bosne i Hercegovine (*"Službene novine F BiH"*, broj:49/06) propisano je da jedinica lokalne samouprave ima vlastite nadležnosti ustanovljene ustavom i zakonom i ima pravo baviti se svim pitanjima od lokalnog značaja i ona je samostalna u odlučivanju i upravljanju, finansiranju i unapređenju djelatnosti i objekata lokalne komunalne infrastrukture. S tim u vezi smatramo da ovo Ministarstvo nije nadležno za sačinjavanje Informacije o realizaciji komunalnih djelatnosti, s obzirom da je javnim preduzećima osnovanim za pružanje komunalnih usluga osnivač općina i /ili grad, te su shodno tome, javna preduzeća dužna, izvještaj o svom radu dostavljati općinskom i/ ili gradskom vijeću, zbog čega Skupština Zeničko-dobojskog kantona nije nadležna za razmatranje pitanja iz oblasti komunalne djelatnosti.
- Odredbe člana 39. Zakona o komunalnim djelatnostima odnose se na upravni nadzor kojeg provodi Ministarstvo za prostorno uređenje, promet i komunikacije i zaštitu okoline Zeničko-dobojskog kantona na osnovu odredaba člana 32. i 42. Zakona o komunalnim djelatnostima u drugostepenom postupku.

S poštovanjem.

MINISTAR

Fahrudin Brkić

Dostavljeno:

1 x Naslovu

1x a/a